

Na osnovu člana 16. stav (4). Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10), a u vezi sa članom 139. stav (1). Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13), razmatrajući Amandman V poslanika u Skupštini Zeničko-dobojskog kantona Rifata Delića na prijedlog Zakona o osnovnoj školi, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 133. sjednici, održanoj dana 22.02.2018. godine, d o n o s i

ZAKLJUČAK

I.

Vlada Zeničko-dobojskog kantona ne prihvata Amandman V poslanika u Skupštini Zeničko-dobojskog kantona Rifata Delića na Prijedlog Zakona o osnovnoj školi.

II.

Zaključak sa obrazloženjem u kome su sadržani razlozi zbog kojih se ne prihvata Amandman V upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/18.

Datum, 22.02.2018. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za obrazovanje,

nauku, kulturu i sport;

1x Stručna služba Vlade;

1x Stručna služba Skupštine;

1x a/a.

OBRAZLOŽENJE

I. PRAVNI OSNOV

Pravni osnov za donošenje Zaključka sadržan je u članu 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10) i članu 139. stav 1. Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13).

II. RAZLOZI ZA DONOŠENJE

Poslanik u Skupštini Zeničko-dobojskog kantona Rifata Delića podnio je Amandman V na Prijedlog Zakona o osnovnoj školi:

U članu 98. stav (1) i stav (2) se brišu.

„Član 98.

(Posebni uslovi za obavljanje poslova direktora škole)

- (1) Prilikom prijave na konkurs za izbor i imenovanje direktora škole, odnosno prilikom imenovanja pomoćnika direktora, kandidati su dužni dostaviti:
 - a) ovjerenu i potpisanu izjavu da nisu članovi tijela ili organa niti jedne političke stranke, te da za sve vrijeme obnašanja povjerenih javnih dužnosti neće politički djelovati u smislu postupanja po datim političkim uputstvima ili preporukama, smjernicama i komentarima političkih stranaka, javnog angažovanja u radu stranačkih tijela ili organa, učešća u organizovanju javnih političkih istupa uključujući i javna istupanja na političkim skupovima stranaka ili njihovih organa i tijela, kao i svim drugim oblicima javnog podržavanja iznesenih stavova političkih stranaka, a na osnovu kojih bi se u javnosti ili školi, mogla dovesti u pitanje njihova opredjeljena politička nepristrasnost;
 - b) ovjerenu i potpisanu izjavu da nisu u bilo kakvom srodstvu sa članovima školskog odbora.“
- (2) Sve prijave, odnosno informacije o političkom djelovanju potpisnika Izjave iz prethodnog stava, dostavljaju se Komisiji koju imenuje Vlada Zeničko-dobojskog kantona, a koja se sastoji od pet članova, od kojih je jedan predsjednik i to: dva člana imenovana na prijedlog skupštinske Komisije za obrazovanje, nauku, kulturu i sport, jednog člana imenovanog na prijedlog Samostalnog sindikata osnovnog obrazovanja i odgoja u Federaciji Bosne i Hercegovine, jednog člana imenovanog na prijedlog Sindikata srednjeg i visokog obrazovanja, odgoja, nauke i kulture BiH, te jednog člana iz Ministarstva za obrazovanje, nauku, kulturu i sport, imenovanog na prijedlog Ministra pomenutog Ministarstva, koja će razmotriti sve navode iz dostavljene prijave i svoje mišljenje o istoj dostaviti kantonalnoj inspekciji za obrazovanje i nauku, na daljnje postupanje.

Stoga se predlaže neprihvatanje Amandmana V iz razloga što je predloženi amandman u potpunosti u suprotnosti sa do sada urađenim u procesu reforme obrazovanja. Započetom reformom u procesu depolitizacije obrazovanja podržanom od strane Misije OSCE-a kao monitora obrazovnih reformi, te sindikata osnovnog i srednjeg obrazovanja kao naših socijalnih partnera, smatramo da se predloženi amandman ne može prihvatiti jer bi značio veliki korak unazad u provođenju reformskih procesa i tim prije što se u propisanim i utvrđenim procedurama izbora i imenovanja direktora škola zahtijeva dostavljanje dokumentacije kojom se svi prijavljeni kandidati, učesnici javnih konkursa, javno obavezuju da tokom povjerenog mandata direktora škole neće i ne mogu slijediti upute organa i tijela političkih stranaka.